

**ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ «ՎՈՐԼԴ ՎԻԺՆԻԱՅԱՍՏԱՆ» ԵՐԵՎԱՆԵՐԻ
ՊԱՇՏՊԱՆՈՒԹՅԱՆ ՀԻՄՆԱԴՐԱՄԻՆ ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԳՈՒԹՅԱՆ
ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ ՊԱՅՄԱՆԱԳԻՐ
«ԴՏՊ-11414-11018/23 ՎՎՏ»**

Քաղ. Երևան

«1» փետրվարի 2023 թ.

Հայաստանի Հանրապետության աշխատանքի և սոցիալական հարցերի նախարարությունը (այսուհետ՝ նախարարություն), ի դեմս գլխավոր քարտուղար Սամվել Մուրադյանի (այսուհետ՝ պատվիրատու), որը գործում է նախարարության կանոնադրության հիման վրա, մի կողմից, և «Վորլդ Վիժնի Այաստան» երեխաների պաշտպանության հիմնադրամի, ի դեմս գործադիր տնօրեն Ռաֆի Դուդակյանի (այսուհետ՝ կատարող), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2022 թվականի դեկտեմբերի 29-ի N 2111-Ն որոշումը (այսուհետ՝ որոշում), «Ընտանիքներին՝ կանանց և երեխաներին աջակցություն (1141)» ծրագրի «Երեխաների խնամքի ցերեկային ծառայությունների տրամադրում (11018)» միջոցառման (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. Պայմանագրի առարկան և գինը

1.1. Պայմանագրով նախարարությունը պարտավորվում է ծրագրի իրականացման նպատակով պայմանագրի 5.1.-ին կետով սահմանված կարգով կազմակերպությանը հատկացնել որոշմամբ նախատեսված՝ գումարից մինչև 20, 510, 000 (քսան միլիոն հինգ հարյուր տասը հազար) ՀՀ դրամ, իսկ կազմակերպությունը պարտավորվում է ծրագիրն իրականացնել որոշմամբ և պայմանագրով սահմանված կարգով: Ծրագիրը իրականացվում է Տավուշի մարզում՝ կյանքի դժվարին իրավիճակում հայտնված 145 (պետական միջոցների հաշվին ծառայություն կտրամադրվի 145 շահառուի, իսկ կազմակերպության միջոցների հաշվին ծառայություն կստանա ևս 75 շահառու) երեխայի համար:

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են պայմանագրի N 1 հավելվածում: Ծրագիրն իրականացվում է Տավուշի մարզում՝ կյանքի դժվարին իրավիճակում հայտնված ամսական 145 երեխայի համար (ամսական):

1.3. Պայմանագրի գինը կարող է փոփոխվել երկկողմ համաձայնությամբ, եթե հաշվետու ժամանակահատվածում (եռամսյակում) պայմանագրում նշված արդյունքային բոլոր ցուցանիշների կատարողականի միջինացված ամփոփ գնահատականը չի կատարվել նվազագույնը 75 %-ով կամ չի ապահովվել շահառուների պլանային թվի նվազագույնը 75 %-ը՝ պայմանագրի 9.7.-րդ կետի համաձայն՝ նոր համաձայնագիր կնքելու միջոցով:

2. Կողմերի իրավունքները և պարտավորությունները

2.1. Նախարարությունն իրավունք ունի՝

2.1.1. ցանկացած ժամանակ (այդ թվում՝ Հայաստանի Հանրապետության ֆինանսների նախարարության միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.

2.1.2. որոշմամբ սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել պայմանագրի 6.2.-րդ կետով նախատեսված տուգանքը.

2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու պայմանագիրը և պահանջելու հատուցել պատճառված վնասները, եթե՝

ա. կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ՝ պայմանագրով սահմանված կարգով և ժամկետներում չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին.

2.1.4. պայմանագիրն Հայաստանի Հանրապետության օրենսդրությամբ կամ պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. իրականացված միջոցառման արդյունքը նախարարության կողմից ընդունվելու դեպքում պահանջելու վճարել իրեն հասանելիք գումարը.

2.2.2. նախարարության կողմից գումարները չվճարվելու դեպքում միակողմանի լուծելու պայմանագիրը և պահանջելու հատուցել իրեն պատճառված վնասները.

2.2.3. նախարարության համաձայնությունը ստանալու դեպքում՝ կատարել Հայաստանի Հանրապետության պետական բյուջեից տրամադրվող ֆինանսական միջոցների հոդվածային վերաբաշխում՝ բայց ոչ ավելի, քան պայմանագրի N 6 հավելվածով սահմանված ֆինանսական նախահաշվի ծախսային յուրաքանչյուր հոդվածի 10%-ի չափով:

2.3. Նախարարությունը պարտավոր է՝

2.3.1. ծրագրով նախատեսված դեպքերում աջակցել կազմակերպությանը.

2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.

2.3.3. իրականացնել ծրագրով նախատեսված այլ աշխատանքներ.

2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել պայմանագրի 4.2.-րդ կետում նշված ժամկետում:

Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և պայմանագրի պահանջներին, ապա դրանք ընդունվում են:

2.4. Կազմակերպությունը պարտավոր է՝

2.4.1. իրականացնել ծրագրի շրջանակներում նախարարության կողմից տրամադրված գումարների՝ Հայաստանի Հանրապետության հաշվապահական հաշվառման N 20 ստանդարտի դրույթներին համապատասխան հաշվառում.

2.4.2. պայմանագրով նախատեսված ֆինանսական միջոցներն օգտագործել ծրագրով և (կամ) պայմանագրով սահմանված նպատակներով ու չափաքանակներով.

2.4.3. կատարել նախարարության կողմից բացահայտված թերությունների վերացման նպատակով տրված ցուցումները.

2.4.4. պայմանագրով սահմանված կարգով մինչև հաշվետու ամսվան հաջորդող ամսվա 10-ը, իսկ դեկտեմբեր ամսվա համար՝ մինչև դեկտեմբերի 20-ը, նախարարությանը ներկայացնել հանձնման-ընդունման ակտը՝ համաձայն պայմանագրի N 5 հավելվածի, և հաշվետվությունները՝ համաձայն պայմանագրի N 3 հավելվածի, ինչպես նաև միջոցառումների իրականացման մասին եռամսյակային հաշվետվություններ՝ մինչև հաշվետու ժամանակահատվածի հաջորդող ամսվա 10-ը, իսկ չորրորդ եռամսյակի համար՝ մինչև դեկտեմբերի 20-ը, և տարեկան հաշվետվություն՝ ծրագրի ավարտից հետո՝ 10 աշխատանքային օրվա ընթացքում, եռամսյակային և տարեկան հաշվետվությունները՝ համաձայն N 2 հավելվածի և N 7 հավելվածում նշված ձևաչափի.

2.4.5. պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու նախարարության հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում.

2.4.6. նախարարության կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ նախարարության կողմից սահմանված ողջամիտ ժամկետում վերացնել արձանագրված անհամապատասխանությունները.

2.4.7. պայմանագրով սահմանված միջոցառումների տարեկան արդյունքները թերակատարելու դեպքում, դրա արդյունքում առաջացած գումարները վերադարձնել Հայաստանի Հանրապետության պետական բյուջե՝ մինչև տվյալ բյուջետային տարվա նախավերջին աշխատանքային օրը.



2.4.8. պայմանագրի 4.1-ին կետով սահմանված հանձնման-ընդունման ակտի հետ միաժամանակ Նախարարություն ներկայացնել կատարված փաստացի ծախսերի վերաբերյալ Հայաստանի Հանրապետության ֆինանսների և էկոնոմիկայի նախարարի 2007 թվականի փետրվարի 9-ի N 5-Ն հրամանով սահմանված տնտեսագիտական դասակարգման սինթետիկ հաշվառմամբ հաշվետվությունը՝ համաձայն պայմանագրի N 3 հավելվածի: «Հաշվետվությանը կից անհրաժեշտ է ներկայացնել Հայաստանի Հանրապետության պետական բյուջեից փոխհատուցման ենթակա գումարների մասով կատարված ծախսերը հիմնավորող փաստաթղթեր, ինչպես օրինակ՝ հաշիվ ապրանքագրեր, վճարման հանձնարարականներ, աշխատաժամանակի հաշվարկի թերթիկ, աշխատավարձի հաշվարկի կամ վճարման տեղեկագրեր, ճանապարհածախսերի փոխհատուցման թերթիկ և այլն»:

2.4.9. ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» օրենքով սահմանված կարգով՝ պետության կարիքների համար կատարվող գնումների կանոններին համապատասխան:

3. Մոնիթորինգը (ըստ պահանջի)

3.1. Նախարարությունն ըստ պահանջի ծրագրի իրականացման նախնական, ընթացիկ և վերջնական արդյունքների համապատասխանության նպատակով իրականացնում է մոնիթորինգ:

3.2. Մոնիթորինգն իրականացվում է Նախարարության և (կամ) նրա կողմից լիազորված կազմակերպության կամ անձի կողմից բացառապես նախօրոք մշակված հարցաթերթի միջոցով և (կամ) ըստ անհրաժեշտության՝ առանց հարցաթերթի:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ և առաջարկություններ:

3.4. Նախարարությունը ցանկացած ժամանակ կարող է կատարվող գործողությունների շրջանակներում իրականացնել մոնիթորինգ՝ ուսումնասիրելով գործողություններին առնչվող ցանկացած փաստաթղթեր և նյութեր, ինչպես նաև կապ հաստատելով ծրագրի շահառուների հետ՝ նրանց շրջանում հարցում և եզրակացություն տալու նպատակով՝ առանց կազմակերպությանը տեղեկացնելու կամ ներգրավելու այս գործընթացում:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

3.6. Եռամսյակային հաշվետվությունների ներկայացված և համապատասխան հիմնավորող փաստաթղթերի հիման վրա բոլոր արդյունքային ցուցանիշների կատարողականը գնահատվում է համապատասխան վարչության կողմից՝ ըստ անհրաժեշտության ամփոփ վերլուծությունների և մոնիթորինգի վարչության հետ համատեղ:

4. Պայմանագրի արդյունքի հանձնման և ընդունման կարգը

4.1. Պայմանագրի արդյունքն ընդունվում է նախարարության և կազմակերպության միջև հանձնման-ընդունման ակտի ստորագրմամբ:

Մինչև պայմանագրով ստանձնված պարտավորությունների կատրման համար նախատեսված օրը ներառյալ կազմակերպությունը էլեկտրոնային համակարգի միջոցով նախարարությանն է տրամադրում իր կողմից ստորագրված՝ հանձնման-ընդունման ակտը (N 5 հավելված) և հաշվետվությունը: Ընդ որում կազմակերպությունը հանձնման-ընդունման ակտը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին:

4.2. Եթե իրականացված միջոցառումը համապատասխանում է պայմանագրի պայմաններին, նախարարությունը պայմանագրի 4.1.-ին կետում նշված փաստաթղթերը ստանալու օրվան հաջորդող աշխատանքային օրվանից հաշված 10 աշխատանքային օրվա ընթացքում ստորագրում և էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

4.3. Եթե իրականացված միջոցառումը կամ դրա մի մասը չի համապատասխանում պայմանագրի պայմաններին, ապա նախարարությունը չի ստորագրում հանձնման-ընդունման ակտը և պայմանագրի 4.2.-րդ կետում նշված ժամկետում էլեկտրոնային համակարգի միջոցով կազմակերպությանը հետ է վերադարձնում հանձնման-ընդունման ակտը՝ նշելով դրա չստորագրման համար հիմք հանդիսացած

անհամապատասխանությունը: Սույն կետի կիրառման դեպքում նախարարությունը ձեռնարկում է նման իրավիճակի համար պայմանագրով նախատեսված միջոցները և կազմակերպության նկատմամբ կիրառում է պայմանագրով նախատեսված պատասխանատվության միջոցներ:

4.4. Եթե պայմանագրի 4.2.-րդ կետով սահմանված ժամկետում նախարարությունը չի ընդունում պայմանագրի 4.1.-ին կետում նշված փաստաթղթերը կամ չի մերժում դրա ընդունումը, ապա իրականացված միջոցառումը համարվում է ընդունված և պայմանագրի 4.2.-րդ կետով սահմանված վերջնաժամկետին հաջորդող աշխատանքային օրը նախարարությունը էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

5. Վճարման կարգը և ժամկետները

5.1. Կազմակերպությանը վճարումները կատարվում են հանձնման-ընդունման ակտի հիման վրա՝ պայմանագրի վճարման ժամանակացույցով (N 4 հավելված) նախատեսված ամիսներին, ըստ պայմանագրի շրջանակներում փաստացի իրականացված միջոցառումների կատարման արդյունքի:

Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 30-ը, եթե ծրագրով սահմանված չեն վճարումների կատարման այլ կարգ և (կամ) ժամկետներ:

6. Կողմերի պատասխանատվությունը

6.1. Կազմակերպությունը պատասխանատվություն է կրում պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Պայմանագրի N 1 հավելվածում նշված ծրագրին չհամապատասխանող պարտավորություն իրականացնելու յուրաքանչյուր դեպքում կազմակերպությունից գանձվում է տուգանք՝ պայմանագրի 1.1.-ին կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում՝ տուգանքը հաշվարկվում է նաև պայմանագիրը սահմանված ժամկետներում կատարելու, սակայն նախարարության կողմից չընդունվելու, ինչպես նաև հաշվետվությունները պայմանագրով սահմանված ժամկետներում չներկայացնելու դեպքերում:

6.3. Պայմանագրով նախատեսված ծրագրի կատարման ժամկետը խախտելու դեպքում կազմակերպությունից յուրաքանչյուր ուշացված աշխատանքային օրվա համար գանձվում է տույժ՝ պայմանագրի 1.1.-ին կետում նախատեսված գումարի 0,05 (զրո ամբողջ հինգ հարյուրերորդական) տոկոսի չափով:

6.4. Պայմանագրի 6.2.-րդ և 6.3.-րդ կետերով նախատեսված տուգանքը և տույժը հաշվարկվում և հաշվանցվում են միջոցառման իրականացման արդյունքում կազմակերպությանը վճարման ենթակա գումարների հետ: Տույժը հաշվարկվում է աշխատանքային օրերով՝ պայմանագրի չկատարված մասի գնի նկատմամբ:

6.5. Նախարարության կողմից պայմանագրի 4.1.-ին կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6. Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում Հայաստանի Հանրապետության օրենսդրությամբ սահմանված կարգով:

6.7. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

7. Պայմանագրի գործողության ժամկետը

7.1. Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների՝ ամբողջ ծավալով կատարումը: Պայմանագրի գործողությունը տարածվում է 2023 թվականի հունվարի 1-ից ծագած հարաբերությունների վրա:

Պայմանագրով նախատեսված կողմերի իրավունքների և պարտականությունների կատարման պայման է պայմանագիրը ֆինանսների նախարարության կողմից հաշվառված լինելու հանգամանքը:

8. Անհաղթահարելի ուժի ազդեցությունը (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

9. Եզրափակիչ դրույթներ

9.1. Հայաստանի Հանրապետության օրենսդրությամբ սահմանված կարգով հաստատված դրամաշնորհային ծրագիրը (դրամաշնորհային ծրագիրը՝ պետք է բխի միջոցառումների նկարագրի պահանջներից և մեթոդական ցուցումներից) հանդիսանում է պայմանագրի անբաժանելի մասը (N 7 հավելված):

9.2. այն դեպքում, երբ օրենսդրությամբ նախատեսված կարգով օրենսդրության պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ մրցույթի գործընթացում, մինչև պայմանագրի կնքումը, պայմանագրի կողմը ներկայացրել է կեղծ փաստաթղթեր (տեղեկություններ և տվյալներ), կամ վերջինիս հաղթող կազմակերպություն ճանաչելու մասին որոշումը չի համապատասխանում սույն կարգի պահանջներին, ապա այդ հիմքերն ի հայտ գալուց հետո նախարարությունը միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում, Հայաստանի Հանրապետության օրենսդրության համաձայն, հիմք կհանդիսանային պայմանագիրը չկնքելու համար: Ընդ որում՝ նախարարությունը չի կրում պայմանագրի միակողմանի լուծման հետևանքով պայմանագրի կողմի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենսդրությամբ սահմանված կարգով փոխհատուցել իր մեղքով նախարարության կրած վնասներն այն ծավալով, որի մասով պայմանագիրը լուծվել է:

9.3. Եթե պայմանագիրն իրականացվում է համատեղ գործունեության (կոնսորցիումի) պայմանագիր կնքելու միջոցով, ապա այդ պայմանագրի մասնակիցները կրում են համատեղ և համապարտ պատասխանատվություն: Ընդ որում, կոնսորցիումի անդամի կոնսորցիումից դուրս գալու դեպքում պայմանագիրը միակողմանիորեն լուծվում է և կոնսորցիումի անդամների նկատմամբ կիրառվում են պայմանագրով նախատեսված պատասխանատվության միջոցները:

9.4. Կազմակերպության կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը նախարարությունը հրապարակում է իր պաշտոնական՝ <https://www.mlsa.am/?cat=142> կայքում՝ նշելով հրապարակման ամսաթիվը:

9.5. Կազմակերպությունը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրը միակողմանի լուծելու մասին ծանուցումը սույն կետում նշված կայքում հրապարակվելու օրը նախարարությունն այն ուղարկվում է նաև կազմակերպության էլեկտրոնային փոստին:

9.6. Պայմանագրով ստանձնած պարտավորությունը դադարում է կատարման անհնարինությամբ, եթե դա առաջացել է այնպիսի հանգամանքից, որի համար կողմերից որևէ մեկը պատասխանատու չէ՝ պայմանագրի կատարման անհնարինության մասին ողջամիտ ժամկետում գրավոր ծանուցելով մյուս կողմին: Այդ դեպքում կողմերն իրավունք չունեն միմյանցից պահանջելու պարտավորության կատարում: Սույն կետում նշված պայմանագրի կատարման անհնարինության մասին ողջամիտ ժամկետում մյուս կողմին չծանուցելու դեպքում՝ չծանուցող Կողմը պարտավորվում է մյուս կողմին վճարել տուգանք՝ պայմանագրի 1.1.-ին կետում նախատեսված գնի 1 %-ի չափով:

9.7. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.8. Պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.9. Պայմանագրով նախատեսված պարտավորությունների չկատարման հետ կապված, ինչպես նաև պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10. Կողմերի հասցեները, բանկային վավերապայմանները և ստորագրությունները

Պ Ա Տ Վ Ի Ր Ա Տ ՈՒ

ՀՀ աշխատանքի և սոցիալական հարցերի նախարարություն

Ք. Երևան, Կառավարական տուն 3

ՀՀ ՖՆ գործառնական վարչություն

Հ/Հ 900011030732

ՀՎՀՀ 01506515

Գլխավոր քարտուղար՝ Ա. Մորոսյան



(ստորագրություն)

Կ.Տ.

Կ Ա Տ Ա Ր Ո Ղ

«Վորլդ Վիժն Հայաստան» երեխաների պաշտպանության հիմնադրամ

ք.Երևան, 0065, Ռոմանոս Մելիքյան 1

«ԱՎԲԱ ԲԱՆԿ» բաց բաժնետիրական ընկերություն (ԲԲԸ)

Հ/Հ 220413350723000

ՀՎՀՀ 1291909

Գործադիր տնօրեն՝ Ռաֆի Գուդակյան



(ստորագրություն)

Կ.Տ.



**«Երեխաների խնամքի ցերեկային ծառայությունների տրամադրում»
դրամաշնորհային ծրագրի**

ԱՌԱՋԱՐԿԸ

1. Համառոտագիր

«Երեխաների խնամքի ցերեկային ծառայությունների տրամադրում» ծրագրի իրականացմամբ ՎՎ Հայաստանը նպատակ է հետապնդում աջակցել կյանքի դժվարին իրավիճակում հայտնված մինչև 18 տարեկան երեխաների ընտանիքում ապրելու և նրանց սոցիալական ներառումն ապահովելու, երեխայի (ընտանիքի) կյանքի դժվարին իրավիճակը կանխարգելելու կամ հաղթահարելու խնդիրների լուծմանը: Ծրագրի իրականացումը մեծապես կնպաստի երեխայի ընտանիքում ապրելու իրավունքի ապահովմանը և շուրջօրյա խնամքի հաստատությունում խնամք ստացող երեխայի վերամիավորմանը կենսաբանական ընտանիքին, ինչպես նաև երեխաների սոցիալ-հոգեբանական զարգացմանը:

ՎՎ Հայաստանը առաջարկվող Ծրագիրը նախատեսում է իրականացնել 2020թ-ից գործող իր «Նավակ» երեխաների և ընտանիքի զարգացման համայնքային կենտրոնի միջոցով, որը տեղակայված է ՀՀ Տավուշի մարզի Իջևան խոշորացված համայնքի Ազադամույր բնակավայրում և ունի համապատասխան հավաստագիր: Արտակենտրոն ծառայությունները կտարածվեն նաև Այգեհովիտ (ներառյալ Կայանավան թաղամաս) և Վազաշեն սահմանամերձ բնակավայրերի երեխաների և նրանց ընտանիքների վրա: Նշված կենտրոնի կողմից տրամադրվող ծառայությունները կենսական նշանակություն ունեն կենտրոն հաճախող երեխաների, ինչպես նաև արտակենտրոն ծառայություններ ստացող երեխաների և նրանց ընտանիքների համար: Կենտրոններում գործունեության հիմնանպատակն է երեխաների երկարաժամկետ զարգացումը: Կենտրոններում մատուցվող ծառայությունները նպաստում են երեխաների սոցիալ-հոգեբանական և կյանքի հիմնական հմտությունների զարգացմանը, հոգեբանական խնդիրների հաղթահարմանը, ինչպես նաև ծնող-երեխա կապի ամրապնդմանը և ծնողների ծնողավարության, կենցաղավարության, ֆինանսական գրագիտության զարգացմանը:

Ըստ էության նշյալ ծառայությունները կարևոր դերակատարում ունեն նաև երեխաների ինստիտուցիոնալացման խնդրի լուծման տեսանկյունից, քանի որ հնարավորություն են տալիս վաղ միջամտության շնորհիվ աշխատել կյանքի դժվարին իրավիճակում գտնվող ընտանիքի հետ և նպաստել առկա խնդիրների լուծմանը:

ՎՎ Հայաստանի ցերեկային կենտրոնները համայնքային մակարդակում կատարում են շատ կարևոր գործառույթ և լուծում առաջնային խնդիր ի շնորհիվ ծառայությունների մատուցման ինստիտուցիոնալ և մասնագիտական մոտեցումների, պետական և ոչ պետական կառույցների, սոցիալական աշխատողների ցանցի, տեղական ԲՀԿ-ների, տեղական իշխանությունների և եկեղեցիների հետ սերտ համագործակցությամբ:

Ծրագրի իրականացման համար ՎՎ Հայաստանը ունի երեխաներին ցերեկային խնամքի ծառայություններ տրամադրելու համար համապատասխան փորձ, մասնագիտական անձնակազմ, փորձարկված մեթոդաբանություն, համագործակցության լայն շրջանակ և համապատասխան շենքային և գույքային հնարավորություններ (կահավորված գրասենյակներ, գրականություն, խաղեր, սարքավորումներ և այլ անհրաժեշտ պարագաներ): Հարկ է նշել, սկսած 2020թ. ՎՎ Հայաստանը իրականացրել է նաև պետության կողմից պատվիրակված համանման ծառայություններ:

Ծրագրի իրականացման հաջող ընթացքը, շարունակականությունը և կայունությունը պայմանավորված են ՎՎ Հայաստանի կողմից իրականացվող բազմաթիվ այլ համանման ծրագրերի իրականացմամբ և արդեն իսկ ստեղծված ինստիտուցիոնալ հենքով: ՎՎ կողմից իրականացվող բոլոր

գործողությունները սերտ փոխկապակցված են, փոխլրացնում և կնպաստեն սույն Ծրագրի հաջող իրականացմանը: Մասնավորապես՝ ՀՀ ԱՍՀ նախարարության կողմից հայտարարված մրցույթով նախատեսված և առհասարակ՝ ՀՀ կառավարության 2014թ. 743-Ն որոշման 6-րդ կետով նախատեսված միջոցառումների իրականացումը հիմնված է կյանքի դժվարին իրավիճակում հայտնված երեխաների և նրանց ընտանիքների հետ սոցիալական աշխատանքի արդյունավետ իրականացման վրա, և հաշվի առնելով, որ սույն ծրագրով աշխատանքներ են իրականացվելու նաև շուրջօրյա խնամք ստացող երեխաների և նրանց ընտանիքների հետ, ՎՎ Հայաստան կազմակերպությունը մեծ փորձառություն ունի սոցիալական աշխատանքի ոլորտում, հանդիսանալով ՀՀ-ում համապատասխան մասնագետների պատրաստման, մասնագիտության ներդրման և կայացման, ինչպես նաև պրակտիկ դաշտում այն կիրառելու գործում: Մասնավորապես՝ ապահիստիտուցիոնալացման գործընթացում ունեցած մեծ փորձը կնպաստի կյանքի դժվարին իրավիճակում հայտնված երեխաների ընտանիքում ապրելու իրավունքի ապահովմանը կենսաբանական ընտանիքին վերամիավորմանը, վաղ հայտնաբերման և միջամտության շնորհիվ երեխայի մուտքը շուրջօրյա հաստատություններ կանխարգելմանը, կյանքի դժվարին իրավիճակում հայտնված երեխաներին սոցիալ-հոգեբանական, զարգացումն ապահովող ծառայությունների տրամադրմանը հաշվի առնելով, որ ՎՎՀ-ի կողմից ԵՄ կողմից համաֆինանսավորվող FESCCA ծրագիրն (մանրամասները «Կազմակերպության փորձառությունը բաժնում») իրականացվել է ՀՀ օրենսդրությանը, պետական քաղաքականության հիմնական ուղղություններին համահունչ և նպաստել է տարբեր դերակատրոնների միջև համագործակցության մշակույթի ձևավորմանը: ԱՄՆ ՄԶԳ կողմից ֆինանսավորվող CLASS ծրագրի (մանրամասները «Կազմակերպության փորձառությունը բաժնում») փորձառությունը թույլ կտա Ծրագիրը արդյունավետ կերպով իրականացնել համայնքային սոցիալական աշխատողների անմիջական ներգրավմամբ՝ նպաստելով վերջիններիս՝ երեխայի պաշտպանության ոլորտի հմտությունների զարգացմանը, համայնքային ռեսուրսների արդյունավետ ներգրավմանը և ուղղորդմանը, այլ դերակատարների հետ համագործակցության ձևավորմանը, ինչպես նաև կնպաստի կյանքի դժվարին իրավիճակում հայտնված երեխաների վաղ հայտնաբերմանը:

Նախկին տարիներին պետական պատվիրակման միջոցով ցերեկային խնամքի ծառայությունների մատուցման փորձառությունը (մանրամասները «Կազմակերպության փորձառությունը բաժնում») հիմք կհանդիսանա երեխաներին սոցիալ հոգեբանական, սոցիալ-վերականգնողական ծառայությունների մատուցմանը, ընտանիքների հետ արդյունավետ սոցիալական աշխատանքի իրականացմանը, ուղղորդմանը և խորհրդատվությանը: ՎՎ Հայաստանի ցերեկային խնամքի կենտրոններում երեխաներին սննդի տրամադրման փորձառությունը հնարավորություն կտա ապահովել Ծրագրով նախատեսված համապատասխան միջոցառումը՝ համապատասխան չափորոշիչներին և անվտանգության կանոններին համապատասխան:

ՎՎ Հայաստանի երեխաների պաշտպանության ոլորտում իրականացվող ծրագրերի փորձառությունը թույլ կտա սույն Ծրագրի իրականացման ընթացքում վեր հանել համակարգային խնդիրները, որոնք խոչընդոտ են հանդիսանում երեխայի պաշտպանության համակարգի զարգացման համար, մշակել արդյունավետ առաջարկներ և համակարգային լուծումներ առաջարկել պատասխանատու գերատեսչություններին՝ նպաստելով պետական քաղաքականության արդյունավետ իրականացմանը:

2. Ծրագրի նկարագրություն

2.1. Հիմնախնդրի և կարիքի հիմնավորում

Չնայած վերջին տասնամյակի շարունակական սոցիալական և տնտեսական ձեռքբերումներին, երեխաների վիճակը Հայաստանում շարունակում է մնալ մտահոգիչ: Աղքատությամբ, ներկայիս հայ-ադրբեջանական սահմանային լարվածությամբ, Լեռնային Ղարաբաղում վերջին պատերազմի կործանարար հետևանքով՝ ծառացել են մի շարք դժվարություններ և խնդիրներ, որոնք անհաղթահարելի են բազմաթիվ առավել խոցելի ընտանիքների և նրանց երեխաների համար:

2020թ.-ին աղքատության մակարդակը ըստ պաշտոնական վիճակագրության¹ գնահատվել է 27%, որը 0.6% տոկոսային կետով բարձր է նախորդ տարվա 26.4%-ից (հաշվարկված ըստ աղքատության միջին գծի): Ծայրահեղ աղքատ է համարվում բնակչության 0.7%-ը: Աղքատության մակարդակը քաղաքային բնակավայրերում կազմել է 48.9%՝ այդ թվում ք. Երևանում՝ 21%, այնինչ գյուղական բնակավայրերում՝ 51.1%: ՀՀ Տավուշի մարզում աղքատության ցուցանիշը կազմում է 37.5%: Ըստ այս ցուցանիշների Հայաստանի յուրաքանչյուր չորրորդ չափահաս (27%) շարունակել է ապրել աղքատության միջին գծից ցածր՝ քաղաք-գյուղ զգալի անհամամասնություններով: Պարենային անվտանգությունն ուղղակիորեն կապված է աղքատության հետ: Սննդի անվտանգության և խոցելիության 4-րդ համազգային գնահատումը² (FSVA4), որն իրականացվել է 2022 թվականի մայիս-հունիս ամիսներին (ՊՀԾ), ցույց է տալիս, որ տնային տնտեսությունների միայն 20%-ն է ապահովված սննդամթերքով, իսկ 57%-ը սահմանային սննդով ապահովված է: Ադրբեջանի կողմից հակամարտության հետագա սրման և գյուղատնտեսական գործունեության սահմանափակումների և պարենային և էներգակիրների գների շարունակական աճի դեպքում Հայաստանում պարենային անապահովությունը կարող է 21,4-ից հասնել 29,7% (20% գնաճի սցենարի դեպքում) և աղքատության միջին մակարդակը 27%-ից զգալիորեն կաճի հասնելով 39,6%-ի:

Ըստ Վորլդ Վիժն Հայաստանի կատարած գնահատման (2020)՝ Հայաստանում ապրող երեխաների և նրանց ընտանիքների (իրականացվել է ՀՀ 6 մարզերում և Երևանում), համավարակի բռնկումից հետո ամեն 4-րդ ընտանիքն ունի անկանոն եկամտի աղբյուր, հաճախ ծնողներն ի վիճակի չեն օգնել երեխաներին և բավարար ուշադրություն հատկացնել նրանց կրթությանը՝ խոցելիության պատճառով առաջացած իրենց հատուկ մտածելակերպի պատճառով: Ծնողների հիմնական մտահոգությունը և խնդիրը հանդիսանում է ընտանիքի գոյատևումն ապահովող նվազագույն պայմանների բավարարումը և ժամանակ և ռեսուրս չունի երեխաների կրթության, բնականոն զարգացմանը ուշադրություն դարձնելու համար, ինչն էլ հանգեցնում է ծնողավարման և կյանքի հմտությունների զարգացման խնդիրների:

Բացի վերոնշյալից, Վորլդ Վիժն Հայաստան կազմակերպությունը, 2019-2022 թվականներին ԵՄ համաֆինանսավորմամբ իրականացրել է «Ընտանեկան միջավայր և հասանելի համայնքային ծառայություններ Հայաստանի երեխաների համար» (FESCCA) ծրագիրը՝ երեխաների պաշտպանության համակարգի բարեփոխումների և ապահովագրության քաղաքականության իրականացման ընթացքում սերտորեն համագործակցելով ՀՀ ԱՍՀ նախարարության հետ, որի ընթացքում ՎՎՀ-ի անմիջական ջանքերի շնորհիվ վերակազմակերպվել են երեխաներին շուրջօրյա խնամք տրամադրող մի շարք կազմակերպություններ (մանրամասները ներկայացված են «Կազմակերպության փորձառությունը բաժնում»): Հաստատությունների վերակազմակերպման ընթացքում այնտեղ խնամք ստացող երեխաների և նրանց ընտանիքների կարիքների գնահատման ընթացքում ակնհայտ է դարձել, որ երեխաների մեծամասնությունը շուրջօրյա խնամքի հաստատությունում տեղավորվել են ընտանիքի սոցիալական վատ պայմանների, ծնողների ծնողավարման հմտությունների բացակայության, երեխայի զարգացման համար անհրաժեշտ համայնքային ծառայությունների բացակայության, հատուկ կարիքներ ունեցող երեխաների համար վերականգնողական ծառայությունների բացակայության, երեխայի պաշտպանության համակարգի տարբեր դերակատարների միջև վատ համագործակցության, հանրության մեջ ձևավորված որոշակի ձևավորված արատավոր մոտեցումների և սոցիալական աշխատանքի ոչ արդյունավետ իրականացման պատճառով, մինչդեռ նշյալ խնդիրների մեծ մասը հնարավոր կլինի լուծել և երեխաների խնամքն ընտանիքում կազմակերպել համայնքային ծառայությունների առկայության, մասնագիտական վաղ միջամտության և կանխարգելման միջոցով:

Հաշվի առնելով վերոգրյալը, սույն Ծրագիրը հիմք կհանդիսանա համայնքում կյանքի դժվարին իրավիճակում հայտնված երեխաների և նրանց ընտանիքների հետ արդյունավետ աշխատանքի, երեխաների համար կրթության, բնականոն զարգացման և սոցիալականացման ապահովմանն ուղղված ծառայությունների ներդնման և զարգացման, երեխայի ընտանիքում ապրելու համար անհրաժեշտ պայմաններ ստեղծելու և ապահովելու, երեխաների մուտքը շուրջօրյա խնամքի հաստատություններ ապահովելու, երեխայի հետ աշխատող տարբեր դերակատարների միջև սերտ

¹ https://www.armstat.am/file/article/poverty_2021_a_2..pdf

² WFP, Fourth Food Security and Vulnerability Assessment in Armenia

համագործակցային հարաբերություններ հաստատելու և երեխայի՝ ընտանիքում ապրելու վերաբերյալ հանրության մոտեցումների փոփոխության համար: Ծրագիրը նպատակ ունի իր ծառայությունների միջոցով մեղմելու կամ ամբողջապես հաղթահարելու նաև ԿԴԻՀ երեխաների ընտանիքների խոցելի վիճակը:

2.2. Լեռկա վիճակը ՀՀ Տավուշի մարզի Իջևան համայնքում և ծրագրի անհրաժեշտության հիմնավորումը

ՀՀ Տավուշի մարզը գտնվում է Հայաստանի Հանրապետության տարածքի հյուսիս-արևելյան հատվածում: Այն ընդգրկում է Իջևանի, Դիլիջանի, Նոյեմբերյանի և Բերդի (Շամշադինի) տարածաշրջանները: Բնակչությունը 132000 մարդ³: Մարզն ունի մոտ 350կմ միջպետական սահման, որից 300կմ-ը Ադրբեջանի Հանրապետության հետ, 50-ը՝ Վրաստանի: Ըստ Ազգային վիճակագրական ծառայության 2020թ.-ին Տավուշի մարզում աղքատությունը կազմում է 37.5%⁴:

Իջևան համայնքն ընդգրկում է Իջևանի քաղաքային և 19 գյուղական բնակավայրեր: Բնակչության թիվը՝ 47371 (01.01.2022թ. դրությամբ): Նպաստառու ընտանիքների թիվը՝ 1379-ն է, այս ընտանիքներում ապրում են 2408 0-18 տարեկան երեխաներ:

ՎՎ Հայաստանի Իջևանի տարածքային գրասենյակը բացվել է 2002թ. ին: Այս տարիների ընթացքում կազմակերպության շահառու են հանդիսացել 5000-ից ավելի առավել խոցելի ընտանիքներ: Ըստ ՎՎ սոցիալական աշխատողների կողմից տեղական գործընկերների միջոցով իրականացված նախնական քարտեզագրման (ՄՄԾ Իջևանի տարածքային գրասենյակ, համայնքային սոցիալական աշխատող, ուսումնական հաստատություններ և այլն) Իջևան համայնքում հաստատություններում հայտնվելու վտանգի տակ են 82 երեխաներ (մեկ ծնողի խնամքի տակ գտնվող, ծնողն ունի հաշմանդամություն, ծայրահեղ աղքատ, ծնողական խնամքից զուրկ, անտեսված, ֆիզ. և հոգեբանական բռնության ենթարկվող, կենցաղային վատթար պայմաններում ապրող և այլն), իսկ սույն ծրագրով ներառված խնամքի հաստատություններում գտնվում են 6 երեխաներ:

Հաշվի առնելով, որ Իջևան քաղաքային համայնքում գործում են մի քանի երեխայակնետրոն կազմակերպություններ (ՀԿ-ներ, Տավուշի թեմին կից Արևիկ սոցիալ-կրթական կենտրոն ևլն) և քաղաքաբնակ, կյանքի դժվարին իրավիճակում հայտնված երեխաների համար որոշակի ծառայություններ հասանելի են, Վորլդ Վիժն Հայաստանի Իջևանի տարածքային գրասենյակը 2020թ.-ին տեղափոխվեց սահմանամերձ Ազատամուտ բնակավայր (սահմանից հեռավորությունը 2 կմ, որտեղ աղքատության ցուցանիշը՝ 60%-ից բարձր է (ըստ վարչական շրջանի գնահատումների), ունի նպաստառու 154 ընտանիք): 2020թ.ից գործող Ազատամուտի «Նավակ» երեխաների և ընտանիքի զարգացման համայնքային կենտրոնում մինչ օրս ծառայություն են ստացել 120-ից ավելի առավել խոցելի երեխաներ:

3. Ծրագրի նպատակը, խնդիրներն ու ակնկալվող արդյունքները

Ծրագրի նպատակն է՝

«Երեխաների խնամքի ցերեկային ծառայությունների տրամադրում» ծրագրի նպատակն է Կյանքի դժվարին իրավիճակում հայտնված մինչև 18 տարեկան երեխաների ընտանիքում ապրելու և նրանց սոցիալական ներառումն ապահովելու, երեխայի (ընտանիքի) կյանքի դժվարին իրավիճակը

³ <http://tavush.mtad.am/general-information/>

⁴ https://www.armstat.am/file/article/poverty_2021_a_2...pdf

կանխարգելելու կամ հաղթահարելու նպատակով գնահատված սոցիալական կարիքների հիման վրա համարժեք ծառայությունների տրամադրումը:

Ծրագրի խնդիրներն են՝

- Նպաստել ԿԴԻՀ երեխաների սոցիալ-հոգեբանական և կյանքի հիմնական հմտությունների զարգացմանը,
- Խթանել ԿԴԻՀ երեխայի ինքնօգնության, ինքնորոշման ու ծագած հիմնախնդիրներն ինքնուրույն լուծելու ունակությունները:
- Կանխարգելել նրանց մուտքը հաստատություններ և կամ նրանց սոցիալական մեկուսացումը,
- Նպաստել հաստատություններում խնամվող երեխաների ընտանիքների հետ վերամիավորմանը,
- ԿԴԻՀ երեխաներին և նրանց ընտանիքներին տրամադրել սոցիալ-վերականգնողական, հոգեբանական և իրավաբանական խորհրդատվություն և աջակցություն:

Ակնկալվող արդյունքներ՝

- Ծրագրի ընթացքում ծառայություններ ստացած 220 երեխաների համար ստեղծվել է անհատական սոցիալական ծրագիր (ԱՍԾ) կարիքների գնահատման հիման վրա:
- Յուրաքանչյուր ամիս կյանքի դժվարին իրավիճակում հայտնված 180 երեխա (ներառյալ հաշմանդամություն ունեցող, հաստատություն տեղափոխվելու վտանգի առջև կանգնած և հաստատություններից վերադարձած և ընտանիքների հետ վերամիավորված) և նրանց ընտանիքներ ստացել են ծառայություններ՝ այդ թվում կենտրոնի մնիջոցով 80, իսկ արտակենտրոն 100 երեխա:
- Անհատական սոցիալական ծրագրով նախատեսված միջոցառումների 100% տոկոսն իրականացվել է:
- 60 առավել խոցելի ընտանիքների և նրանց երեխաների հետ իրականացվել է սոցիալական աշխատանք:
- Կենտրոնի ծառայություններից օգտված ԿԴԻՀ երեխաների և նրանց ընտանիքների 90%-ը բավարարված են եղել տրամադրված ծառայություններից:
- Երեխաների 100% տոկոս, որոնք հայտնաբերվել են որպես կրթությունից դուրս մնացած, ընդգրկվել են կրթության մեջ (կրթության իրավունքը իրացվել է):
- Կենտրոնի ծառայությունները ստացող բոլոր 220 երեխաները մասնակցել են տարաբնույթ համայնքային, մշակութային միջոցառումների:
- Շահառու երեխաների առնվազն 90%-ի ծնողները անցել են կարիքահեն դասընթացներ /ծնողավարման հմտություններ, ֆինանսական միջոցների տնօրինում և այլն/:
- Տրամադրված ծառայությունների արդյունքում կյանքի դժվարին իրավիճակում հայտնված 60% երեխաների և նրանց ընտանիքների վիճակը մեղմվել է:
- Տրամադրված ծառայությունների արդյունքում կյանքի դժվարին իրավիճակում հայտնված 40% երեխաների և նրանց ընտանիքների վիճակը ամբողջությամբ հաղթահարվել է:

4. Գործողություններ

«Երեխաների խնամքի ցերեկային ծառայությունների տրամադրում» ծրագրի շրջակներում նախատեսվող հիմնական գործողություններն են.

Գործողությունների և մեթոդաբանության մանրամասն նկարագրությունը բերված է ստորև.

Գործողությունը	Իրականացման մեթոդաբանություն
Շահառուների ընտրություն, կարիքի գնահատում, ԱՄԾ-ների կազմում	
1. Շահառուների ընտրություն, կարիքի նախնական գնահատում	Շահառուների ընտրությունն իրականացվելու է համայնքային և մարզային մարմինների ու շահագրգիռ բոլոր կազմակերպությունների հետ համագործակցությամբ՝ ապահովելու երեխայի հաստատությունում հայտնվելու ռիսկի գնահատումը, իսկ հաստատությունում խնամք և դաստիարակություն ստացող երեխայի պարագայում՝ վերամիավորումը: Շահառուների ընտրությունն իրականացվելու է ՎՎ Հայաստանի տարիներով ստեղծված և պարբերաբար թարմացվող տվյալների բազայի, ինչպես նաև գործընկեր կազմակերպությունների տվյալների բազայի հիման վրա և Միասնական սոցիալական ծառայությունների (ՄՍԾ) տարածքային կենտրոնների, համայնքային սոցիալական աշխատողների հետ սերտ համագործակցությամբ: Նման մոտեցումը թույլ կտա առավել մեծ թվով երեխաների կարիքների գնահատում իրականացնել: Բոլոր գնահատման արդյունքները կապահպանվեն կազմակերպությունում: Գնահատման և Ծրագրում ընդգրկելու գործընթացը կիրականացվի ՀՀ կառավարության 2018 թ., դեկտեմբերի 13-ի 1444-Ն որոշման և այլ իրավական ակտերով սահմանված կանոններին համապատասխան: Գնահատման գործընթացը, շահառուների ընտրությունը և ծառայությունների տրամադրումը կկազմակերպվի ՎՎՀ-ի կոմից մշակված և փորձարկված մեթոդաբանության համաձայն՝ առաջնորդվելով ՀՀ կառավարության 2014 թվականի հուլիսի 17-ի N 743-Ն որոշմամբ: Շահառուները կընդգրկվեն կազմակերպության բազմամասնագիտական խմբի եզրակացության և ծնողների կամ օրինական ներկայացուցիչների հետ կնքված պայմանագրի հիման վրա:
2. Երեխայի կարիքների խորքային գնահատման հիման վրա չափելի նպատակադրումներ սահմանում, անհատական սոցիալական ծրագրի (ԱՄԾ) մշակում	Ընտրված շահառուների համար կիրականացվի կարիքի խորքային գնահատում՝ հաշվի առնելով երեխայի հուզականային վիճակը, զարգացման և կրթական մակարդակի համապատասխանությունը երեխայի տարիքին և սեռին, ֆիզիոլոգիական վիճակը, ուսման, հաղորդակցման, սոցիալական կապերի ձևավորման ունակությունները, կրթություն ստանալու ցանկությունը և հնարավորությունները (ֆիզիկական և տնտեսական մատչելիություն), մասնագիտական կողմնորոշումը և այլն: Միևնույն ժամանակ կգնահատվեն նաև երեխայի ընտանիքի կարիքները հաստատությունում խնամք ստացող երեխաների վերամիավորումն ապահովելու, ինչպես նաև ընտանիքում նրա խնամքի և դաստիարակության համար անհրաժեշտ պայմաններն ապահովելու նպատակով: Գնահատման հիման վրա կմշակվեն անհատական սոցիալական ծրագրեր (ԱՄԾ), որոնք հիմնականում կներառեն երեխայի պահանջմունքները, գնահատված սոցիալական կարիքները և առաջարկվող միջոցառումները (բերված են ստորև), դրանցից յուրաքանչյուրի իրականացման համար դերաբաշխումը, դրանց ծավալները, ժամկետները և ակնկալվող արդյունքները: Ծրագրերը կարող է փոփոխության ենթարկվել՝ շարունակաբար իրականացվող սոցիալական կարիքների ընթացիկ գնահատման արդյունքների (սոցիալական կարիքների նվազում, փոփոխություններ, խորացում) հիման վրա: 1444_Ն
Երեխաների խնամքի ցերեկային ծառայությունների տրամադրում (կենտրոնում ⁵ և արտակենտրոն ⁶)	

⁵ Երեխան փաստացի ցերեկային կենտրոնում գտնվելու ժամանակահատվածում կապահովվի սննդով (սննդային փաթեթը մեկ երեխայի հաշվով կներառի հյուք, թխվածքաբլիթ և միրգ):

⁶ Արտակենտրոն ծառայությունների տրամադրումը կկիրառվի այն դեպքերում եթե կենտրոն այցելելու հետ կան դժվարություններ, եթե մասնագետների գնահատմամբ դա բխում է երեխայի շահից և այն փուլում, երբ երեխան դեռևս խնամք է ստանում շուրջօրյա խնամքի հաստատությունում: Բոլոր դեպքերում կներգրվեն ջանքեր երեխայի կենտրոն հաճախելու գործընթացն ապահովելու նպատակով՝ այդպսով կանխելով սոցիալական մեկուսացումը երեխայի՝ շուրջօրյա խնամքի հաստատությունում խնամք ստանալու հանգամանքից:

✓ Կյանքի հմտությունների զարգացման խմբակներ - Երեխաների սոցիալ-հոգեբանական կարողությունների և կյանքի հիմնական հմտությունների զարգացում ըստ տարիքային խմբերի:	Նպատակն է զարգացնել երեխաների հասակակիցների և մեծահասակների հետ հաղորդակցման հմտությունները, նպաստել հակասոցիալական վարքի դրսևորման մեղմացմանը, ինքնարտահայտման ունակությունների զարգացմանը: Պարապմունքը վարում է կյանքի հմտությունների խմբակավարը՝ նախապես տրամադրած մոդուլներով, նյութերով և օրակարգով (Հավելված 2. Մոդուլներ): Խմբակի հանդիպումների ընթացքում խմբակավարներն օգնում են երեխաներին ապահովել ներառականությունը խմբի ներսում, արտահայտել իրենց կարծիքը, ձեռք բերել հասակակիցների հետ շփման հմտություններ, ունենալ գիտելիքներ հիգիենայի կանոնների վերաբերյալ, սովորել լինել ընկերասեր, հոգատար, պատասխանատու: Վերը նշված հանդիպումների ընթացքում երեխաները նաև գեղագիտական դաստիարակության (նկարչություն, ապլիկացիա և այլն), ընթերցանության (գրքերի ընթերցում, քննարկում, բեմադրում և այլն), ինտելեկտուալ/զարգացման խաղերի պարապմունքներ են ունենում: <i>Խմբակներն իրականացվում են ըստ երկու տարիքային խմբերի՝ կրտսեր (6-10ր) և միջին (11-14ր): Սովորաբար յուրաքանչյուր խմբում ընդգրկված է 12-15 երեխա: Ծրագրի ողջ ընթացքում միաժամանակ կունենաք 4 խումբ՝ երկուական ըստ տարիքային խմբերի:</i>
✓ մասնագիտական կողմնորոշում <i>Շաբաթական երկու անգամ 1-1,5 ժամ տևողությամբ: Ծրագրի ողջ ընթացքում կունենաք 2 խումբ, յուր. խմբում 10-12 երեխա Հանդիպումների ընդհանուր թիվը կկազմի 12-14 անգամ:</i>	13-18 տ երեխաների երեխաների համար կիրականցվի մասնագիտական կողմնորոշման դասընթաց՝ հատուկ մշակված մոդուլով, ինտերակտիվ մեթոդաբանությամբ (Հավելված 2. Մոդուլներ): Դասընթացը կիրականցվի կենտրոնի խմբակավարի կողմից: Երեխաները հնարավորություն կունենան հանդիպել տարբեր մասնագիտություններ ունեցող մարդկանց և քննարկել տվյալ մասնագիտության առավելությունները և առանձնահատկությունները:
✓ արտթերապևտիկ ծառայություն <i>Շաբաթական երկու անգամ 1-1,5 ժամ տևողությամբ: Ծրագրի ողջ ընթացքում կունենաք 2 խումբ, յուր. խմբում 10-12 երեխա</i>	Երեխայի հոգեբանական խնդիրների լուծման համար կկիրառվեն տարբեր արտթերապևտիկ միջամտություններ: Անհատական և խմբային հանդիպումների միջոցով լուծում է երեխաների մոտ առկա տարբեր վարքային, հոգեբանական խնդիրները: Աշխատանք է իրականացվում այնպիսի խնդիրների հետ, ինչպիսիք են մանկական վախերը, վարքային խնդիրները, վնասակար սովորությունները, գերակտիվությունը, ցածր ինքնագնահատականը, հարազատի կորուստը: Խմբային հանդիպումները կազմակերպվում են շփման դժվարություններ ունեցող երեխաների հետ, ցածր ինքնագնահատական ունեցող դեռահասների հետ: Երեխաների հետ կկիրառվեն արտթերապևտիկ տարբեր հնարքներ, այդ թվում՝ նկարչություն, տիկնիկագործություն, թատերական ներկայացումներ և այլն:
✓ անձի զարգացում (քաղաքացիական կրթություն, մեդիագրագիտություն) <i>Շաբաթական երկու անգամ 1-1,5 ժամ տևողությամբ: Ծրագրի ողջ ընթացքում կունենաք 2 խումբ, յուր. խմբում 10-12 երեխա: Հանդիպումների ընդհանուր թիվը կկազմի 12-14 անգամ:</i>	13-18 տ երեխաների համար կիրականցվի քաղ.կրթության և մեդիագրագիտության դասընթացներ՝ հատուկ մոդուլով (Հավելված 2. Մոդուլներ): Երեխաների հանդիպումները կկազմակերպվեն շաբաթական երկու անգամ 1-1,5 ժամ տևողությամբ: Յուրաքանչյուր խմբում կընդգրկվի 10-12 երեխա: Երեխաները հնարավորություն կունենան հանդիպել և քննարկումներ կազմակերպել մեդիա ոլորտի մասնագետի հետ:
Լոգոպեդի ծառայություն <i>Ընդհանուր առմամբ տարվա ընթացքում կընդգրկվի 20-30 երեխա, որից 15 նոր շահառու: Ըստ կարիքի ծառայությունը կմատուցվի թե կենտրոնում, թե արտակենտրոն:</i>	Շատ երեխաների դպրոցական ծրագրում ունեցած դժվարությունները պայմանավորված են գրավոր խոսքի հետ կապված խնդիրներով, որը մանկավարժների մեծ մասը չեն ճանաչում և երեխան այդ պատճառով է, որ երեխաները «վատ սովորողի» պիտակավորում են ստանում: Լոգոպեդն աշխատում է հետևյալ խնդիրների հետ՝ բառապաշարի, խոսքի ընդհանուր թերզարգացում, խոսքի զարգացման հապաղում, կակազություն, հնչարտասանության թերություններ, գրավոր խոսքի խանգարումներ, հաղորդակցման դժվարություններ և այլն:

Սոցիալական աշխատանք ընտանիքի հետ և երեխային շուրջօրյա խնամք տրամադրող կազմակերպության հետ	
✓ Սոցիալական աշխատանք ընտանիքի հետ՝ շահագրգիռ կողմերի ներգրավմամբ	Ծրագրում ներառված երեխաների շուրջ 60 առավել խոցելի ընտանիքների հետ կիրականացվի սոցիալական աշխատանք՝ համապատասխան փաստաթղթերի լրացմամբ: Գնահատված կարիքների հիման վրա կիրականացվեն անհրաժեշտ ուղղորդումները, կտրամադրվի խորհրդատվություն և ծառայություններ, որոնք կներդրվեն ցերեկային խնամքի կենտրոններում: Երեխայի և ընտանիքի հետ իրականացվող աշխատանքներում կկարևորվի նրանց ռեսուրսների և կարողությունների բացահայտումը, զարգացումը և ի նպաստ ընտանիքի դիմակայության բարձրացման օգտագործումը: Կարիքների գնահատման գործընթացը, անհատական սոցիալական ծրագրի կազմումը կիրականացվի Միասնական սոցիալական ծառայության տարածքային կենտրոնների և համայնքային սոցիալական աշխատողների հետ համատեղ: անհատական սոցիալական ծրագրում ներառված գործողությունների մշակմանը հնարավորության դեպքում պարտադիր կերպով մասնակից կդարձվեն երեխան և նրա ծնողները և/կամ ընտանիքի այլ անդամներ: ԱՄԾ-ում նախանշված միջամտության գործողությունները կիրականացվեն դեպքի շուրջ ձևավորված աջակցող ցանցի մասնակցությամբ, ընթացիկ և վերջնական արդյունքները կքննարկվեն բազմամասնագիտական խմբի կողմից: ՍույնԾրագրի շրջանակներում իրականացվող սոցիալական աշխատանքը կներառի տնայցեր, անհատական խորհրդատվություններ, ծնողների կարողությունների զարգացմանն ուղղված դասընթացներ: Կարիքի դեպքում՝ կկազմակերպվի ընտանիքի առողջապահական, սոցիալական և կրթական հարցերի շուրջ իրավա-խորհրդատվություն և ուղղորդում, ինչպես նաև դեպքի առանձնահատկություններով պայմանավորված այլ գործողություններ:
✓ Երեխայի մոտքը հաստատություններ կանխարգելման միջոցառումներ	Սույն միջոցառման իրականացման շրջանակներում Ծրագրում ներգրավված սոցիալական աշխատողները ՄՄԾ տարածքային կենտրոնից կամ համայնքային սոցիալական աշխատողներից համապատասխան տեղեկատվություն ստանալուց հետո վերջիններիս ներգրավմամբ միջոցներ են ձեռնարկում կյանքի դժվարին իրավիճակում հայտնված երեխայի և նրա ընտանիքի կարիքները գնահատելու ուղղությամբ, վեր հանելով այն խնդիրները, որոնք հիմք են հանդիսանում երեխայի խնամքում հայտնվելու ռիսկի սեղծման համար: Կարիքների գնահատման հիման վրա մասնագետները, ներգրավելով պատասխանատու մյուս դերակատարներին (ԻՄԼՄ, մարզպետարանների համապատասխան բաժիններ, ՀԿ-ներ և այլն) կկազմեն ԱՄԾ, որտեղ սահմանվեն այն գոչծողություններ, որոնք անհրաժեշտ են կյանքի դժվարին իրավիճակը կանխարգելելու կամ վերացնելու համար: Միաժամանակ, երեխան կներառվի ցերեկային խնամքի ծառայություններ ստանալու համար և շարունակական և հետևողական աշխատանք կիրականացվի ընտանիքի հետ: Ընտանիքի հետ աշխատանքը պարբերաբար կքննարկվի բազմամասնագիտական թիմի հետ՝ Ծրագրի ավարտից հետո դեպքի նկատմամբ վերահսկողությունը և համապատասխան գործողությունների շարունակականությունն ապահովելու նպատակով:

✓ Սոցիալական աշխատանք երեխային շուրջօրյա խնամք տրամադրող կազմակերպության հետ	Հաստատություններում խնամվող երեխաների՝ ընտանիքների հետ վերամիավորումն ապահովող միջոցառումների իրականացման քայլերն են՝ 1) Կենտրոնի սպասարկման տարածքում բնակվող/հաշվառված՝ Շուրջօրյա խնամքի հաստատությունում խնամք ստացող երեխաների տվյալների ուսումնասիրություն, 2) համապատասխան հաստատության մասնագետների հետ քննարկումներ, երեխայի և ընտանիքի վերաբերյալ տեղեկատվության ուսումնասիրություն 2) ընտանիքներ տունացի կազմակերպում՝ ընտանիքի գտնվելու վայրի տարածքային կենտրոնի սոցիալական աշխատողի և համայնքի սոցիալական աշխատողի հետ համատեղ. 3) ընտանիքների սոցիալական կարիքների գնահատում. 4) գնահատված կարիքների հիման վրա տարածքային կենտրոնի հետ համագործակցությամբ ծրագրի շահառուների ընտրություն. 5) ծրագրի ընտրված շահառուների իրավունքների պաշտպանության հարցերով զբաղվող մասնագետների կամ կառույցների (խնամակալության և հոգաբարձության մարմին, ուսումնական հաստատություն, մարզպետարան, Երևանում՝ Երևանի քաղաքապետարան, տարածքային կենտրոն և այլն) հետ աշխատանքների կազմակերպում, դեպքի շուրջ աջակցող ցանցի ձևավորման նախաձեռնում 6) երեխայի պաշտպանության դերակատարների մասնակցությամբ անհատական սոցիալական ծրագրի կազմում, ներառելով երեխայի՝ կենսաբանական ընտանիքի հետ վերամիավորմանը նպաստող միջոցառումներ 7) Մշակված ԱՄԾ-ի քննարկում երեխայի ընտանիքի հետ, տարբեր դերակատարների միջև դերաբաշխում 8) Իրականացված աշխատանքների վերաբերյալ տեղեկատվության տրամադրում հաստատության համապատասխան մասնագետներին, համատեղ գործողությունների նախանշում և իրականացում 9) ԱՄԾ ընթացիկ արդյունքների վերաբերյալ պարբերաբար բազմամասնագիտական քննարկումների իրականացում՝ ներգրավելով հաստատության մասնագետներին 10) Հնարավորության դեպքում երեխայի վերամիավորում կենսաբանական ընտանիքի հետ 11) Վերամիավորումից հետո երեխային ցերեկային կենտրոնում սույն Ծրագրով նախատեսված ծառայությունների տրամադրում 12) ՄՄԾ տարածքային կենտրոնի սոցիալական աշխատողի և համայնքի սոցիալական աշխատողի հետ համատեղ ընտանիքի հետ շարունակական աշխատանքների իրականացում:
---	---

**Երեխաների և ծնողների հետ դասընթացների կազմակերպում
(Երեխայի իրավունքներ, ծնողավարության հմտություններ և այլն)**

✓ Երեխաներին ծնողներին ծառայությունների մատուցում հետևյալ ուղղություններով՝ - Ծնողավարում - Կենցաղավարում - Ֆինանսական գրագիտության դասընթացներ	Կենտրոնում երեխաներին ներգրավելու պարտադիր պայմաններից է նաև ծնողների մասնակցությունը ծնողավարման դասընթացներին, որոնք կկազմակերպվեն հատուկ մոդուլներով (Հավելված 2. Մոդուլներ) նախատեսված տարբեր տարիքային խմբի երեխաներ ունեցող ծնողների համար: Ծնողները նաև մասնակցում են կենցաղավարության, ֆինանսական գրագիտության, առողջ ապրելակերպի վերաբերյալ դասընթացների: Յուրաքանչյուր խմբում ներառված է 10-15 մասնակից: Դասընթացների տևողությունը կախված է բովանդակությունից: Կազմակերպվում են նաև ծնող-երեխա հուզական կապին նպաստող խմբային պարապմունքներ: Անհարժեշտության դեպքում, երեխայի խնդիրներով պայմանավորված, կտրամադրվի նաև անհատական հոգեբանի ծառայություններ:
--	---

Համայնքային ներառման միջոցառումներ

✓ Սուրբ Զատիկ, Ամանոր կամ Հիսուս Քրիստոսի Հարության տոնը ✓ Երեխաների պաշտպանության միջազգային օրը, ✓ Հաշմանդամության միջազգային օր, ✓ Ընտանիքի միջազգայ	Կյանքի դժվարին իրավիճակում (ԿԴԻՀ) հայտնված երեխաների և նրանց ընտանիքների սոցիալական գործառնումը բարելավելու նպատակով, ինչպես նաև համայնքի այլ անդամների հետ ինտեգրմանը նպաստելու նպատակով Ծրագրի շրջանակներում կապահովվի Համայնքային մշակութային կյանքին ԿԴԻՀ երեխաների ընգրկվածությունը ինչպես կենտրոնի կողմից կազմակերպվող միջոցառումների, այնպես էլ այլ շահագրգիռ կառույցների կողմից կազմակերպվող միջոցառումներին ԿԴԻՀ երեխաների ուղղորդմամբ: Կենտրոնի կողմից կարող են կազմակերպվել տոնակատարություններ, բեմադրություններ, ներկայացումներ, որոնց կիրավիրվեն ներկայացուցիչներ տեղական իշխանություններից, ծնողներ և
---	---

ին օր ✓ Ճանաչողական էքսկուրսիաներ ✓ Ամառային բակային ճամբար	համայնքի այլ երեխաներ:
Արդյունքների գնահատում. ԿԴԻՀ երեխաների և նրանց ընտանիքների վիճակի մեղմում (առնվազն 60% շահառուների դեպքում) և դժվարին իրավիճակի ամբողջական հաղթահարում (առնվազն 40% շահառուների դեպքում):	
Շահառուներին՝ ծառայության որակի անանուն գնահատելու հնարավորության տրամադրում, առաջարկությունն երի ստացում և արդյունքների ներառում եռամսյակային հաշվետվություննե րում	Շահառուներին կտրամադրվի ծառայությունների որակի անանուն գնահատման հնարավորություն և արդյունքները կներառվեն եռամսյակային հաշվետվության մեջ:

Կազմակերպություն Վորլդ Վիժն Հայաստան

«Տավուշի մարզի Իջևան համայնքում»

[illegible]

[illegible]

4) այն երեխաները (ներառյալ՝ նրանց ընտանիքները), ովքեր հայտնվել են կյանքի դժվարին իրավիճակում և ունեն ցերեկային խնամքի կենտրոնում մասնագիտական աջակցություն ստանալու կարիք, ներառյալ՝ Սոցիալապես անապահով պայմաններում ապրող ընտանիքների երեխաներ, բռնության ենթարկված երեխաներ, սոցիալ-հոգեբանական խնդիրներ ունեցող երեխաներ, փողոցում հայտնված՝ թափառաշրջիկ, մուրացիկ երեխաներ, կրթությունից դուրս մնացած երեխաներ, հաշմանդամություն ունեցող երեխաներ, փոխարինող ընտանիքներում խնամվող երեխաներ, այդ թվում՝ խնամատար ընտանիքներում ապրող երեխաներ և խնամակալության ներքո գտնվող երեխաներ, ոստիկանությունում հաշվառված, ազատագրկման վայրից վերադարձած, պայմանական կամ այլընտրանքային պատիժ կրող երեխաներ, արտակարգ իրավիճակում հայտնված երեխաներ՝ պատերազմական իրավիճակից տուժած, թրաֆիքինգի զոհ դարձած երեխաներ, փախստականների, ապաստան հայցողների և/կամ հարկադիր տեղահանված ընտանիքների երեխաներ: Անուղղակի շահառուներ. Սոցիալական և երեխաների պաշտպանության ցանցի անդամ կառույցներ (ՄՄԾՏԿ, ՏԻՄ, Մարզպետարան, Ոստիկանություն, տեղական ՀԿ-ներ) Նախակրթարաններ, դպրոցներ Համայնքի անդամներ, մասնավորապես համայնքի այլ երեխաներ:

ՊԱՏԿԻՐԱՏՈՒ ՀՀ աշխատանքի և սոցիալական հարցերի նախարարություն Գլխավոր քարտուղար՝ Սամվել Մուրադյան _____ (ստորագրություն) Կ.Տ.	ԿԱՏԱՐՈՂ «Վորլդ Վիժն Հայաստան» երեխաների պաշտպանության հիմնադրամ Գործադիր տնօրեն՝ Ռաֆի Դուդակյան _____ (ստորագրություն) Կ.Տ.
---	---

ԴՐԱՄԱՇՆՈՐՀԱՅԻՆ ՀԱՇՎԵՏՎՈՒԹՅՈՒՆ N__

1. Ընդհանուր տեղեկատվություն

Ծրագրի անվանում	
Դրամաշնորհի N	
Դրամաշնորհատու կազմակերպություն	
Դրամաշնորհառու կազմակերպություն	
Ծրագրի իրականացման ժամանակահատված	
Հաշվետու ժամանակահատված	
Ներկայացման օր	
Հաշվետվության պատասխանատու (անուն, ազգանուն, պաշտոն)	

2. Բովանդակային հաշվետվություն

2.1. Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

2.2. Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեղիա պրոդուկտներ և այլն)

2.3. Խնդրում ենք ներկայացնել հաշվետու ժամանակահատվածում քաղաք դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

2.4. Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

2.5. Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:

ՊԱՏՎԻՐԱՏՈՒ
ՀՀ աշխատանքի և սոցիալական հարցերի
նախարարություն
Գլխավոր քարտուղար՝ Ս. Մուրադյան
(ստորագրություն) Կ.Տ.



ԿԱՏԱՐՈՂ
«Վորլդ Վիզն Հայաստան» երեխաների
պաշտպանության հիմնադրամ
Գործադիր տնօրեն՝ Ռաֆի Դուդակյան
(ստորագրություն) Կ.Տ.



ՀԱՆՎԵՏՎՈՒԹՅՈՒՆ

Հայաստանի Հանրապետության 2023 թվականի պետական բյուջեի _____ ամսում փոփոխուն ծախսերի գծով փոխհատուցման ենթակա և հաստատուն ծախսերի գծով փաստացի կատարված ծախսերի վերաբերյալ

Ծախսային հոդվածներ		Հաստատված նախահաշվի գումարը		Հաշվետու ժամանակահատվածում			Տարեկան ամփոփում			
Տնտեսագիտական դասակարգման սինթետիկ հաշիվների անվանումը	Ցածկ ազիդը	Պետական բյուջեից	Այլ միջոցներից նախատեսված	Նախատեսված գումարը	Պետական բյուջեից փոխհատուցման ենթակա գումարը	Այլ միջոցներից կատարված դրամական ծախսեր	Նախատեսված գումարը	Պետական բյուջեից փոխհատուցման ենթակա գումարը	Այլ միջոցներից կատարված դրամական ծախսեր	Այլ արդյունքների անվանումները
1	3	4	5	6	7	8	9	10	11	12
ԸՆԴՀԱՄԵՆՆԵՐ ԾԱԽՍԵՐ՝	x	0.0	0.0	0.0	0.0	0.0	0.0	0.0	0.0	
Աշխատողների աշխատավարձեր և հավելավճարներ	4100									
Էներգետիկ ծառայություններ	4212									
Կոմունալ ծառայություններ	4213									
Կապի ծառայություններ	4214									
Ապահովագրական ծախսեր	4215									
Գույքի տարբերակների վարձակալություն	4216									

Հանձնից
Ազգային տնտեսական

ՊԱՏՎԻՐԱՏՈՐ

ՀՀ աշխատանքի և սոցիալական հարցերի նախարարություն
Գլխավոր ընդհանուր պաշտպանության

(ստորագրություն) Կ.Տ.

ԿԱՏԱՐՈՐ

«Վորլդ Վիժն Հայաստան» երեխաների պաշտպանության հիմնադրամ
Գործադիր տնօրեն՝ Ռաֆի Դուդակյան

(ստորագրություն) Կ.Տ.

ՎՃԱՐՄԱՆ ԺԱՄԱՆԱԿԱՑՈՒՅՑ*
հազար ՀՀ դրամ

Միջոցառման														
հրավերի վճարատ համար համարը	Մրցույթի պլանով նախատ եսված (CPV) կոդը	անվանու մը	Կատարման դիմաց վճարումները նախատեսվում է իրականացնել 2023 թ-ին՝ ըստ ամիսների, այդ թվում**											
			հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր
Լոտ 22	99999999 9/745	«Երեխա ների խնամքի ցերեկայ ին ծառայու թյուններ ի տրամադ րում»	1,709.2	3,418.3	5,127.5	6,836.7	8,545.8	10,255.0	11,964.2	13,673.3	15,382.5	17,091.7	18,800.8	20,510.0

* Վճարման ենթակա գումարները ներկայացվում են աճողական կարգով: Եթե պայմանագիրը կնքվում է մինչև ֆինանսական
միջոցների նախադրեցումը, ապա սույն ժամանակացույցը լրացվում և կնքվում է ֆինանսական միջոցներ նախադրեցվելու
դեպքում կողմերի միջև կնքվող համաձայնագրի հետ միաժամանակ՝ որպես դրա անբաժանելի մաս:

** հրավերում գումարները նշվում են տոկոսով, իսկ պայմանագիրը կնքելիս տոկոսի փոխարեն նշվում է կոնկրետ գումարի
չափ

ՊԱՏՎԻՐԱՏՈՒ
ՀՀ աշխատանքի և սոցիալական
իրադների նախարարություն
Գլխավոր քարտուղար՝ Ս. Մուրադյան
(ստորագրություն)

Կ.Տ.

ԿԱՏԱՐՈՂ
«Վորլդ Վիշն Հայաստան» երեխաների
պաշտպանության հիմնադրամ
Գործադիր տնօրեն՝ Ռաֆի Դուրախյան

(ստորագրություն)

Կ.Տ.

Պայմանագրի կողմ

Պետական մարմին

գտնվելու վայրը _____
հհ _____
հվհհ _____

գտնվելու վայրը _____
հհ _____
հվհհ _____

ԱՎՏ N

ՊԱՅՄԱՆԱԳՐԻ ԿԱՄ ԴԻԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆՄԱՆ-ԸՆԴՈՒՆՄԱՆ

«___» _____ 2023 թ

Պետության կողմից դրամաշնորհի ձևով «Վորլդ Վիժն Հայաստան» երեխաների պաշտպանության հիմնադրամին տրամադրվող ֆինանսական աջակցության գումարների օգտագործման մասին պայմանագրի Պայմանագրի կնքման ամսաթիվը՝ «___» փետրվարի, 2023 թ.
Պայմանագրի համարը՝ ԴՏՊ-1141-11018/23 ՎՎՏ
Կողմերը՝ հիմք ընդունելով պայմանագրի կատարման վերաբերյալ ներկայացված ----- հաշվետվությունը, կազմեցին սույն արձանագրությունը հետևյալի մասին.
Պայմանագրի շրջանակներում Պայմանագրի կողմն իրականացրել է հետևյալ միջոցառումները՝

N	անվանումը	գործառույթի համառոտ նկարագիրը	Իրականացված միջոցառման					
			արդյունքը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ պայմանագրի/
			ըստ պայմանագրի	փաստացի	ըստ պայմանագրի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և հաշվետվությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

ստորագրություն

ազգանուն, անուն

Կ.Տ.

ՀՀ աշխատանքի և սոցիալական հարցերի նախարարություն
Գլխավոր քարտուղար Ս. Մուրադյան

(ստորագրություն)

Կ.Տ.

Ծառայությունն ընդունեց

ստորագրություն

ազգանուն, անուն

Կ.Տ.

ԿԱՏԱՐՈՂ
«Վորլդ Վիժն Հայաստան» երեխաների պաշտպանության հիմնադրամ
Գործադիր տնօրեն՝ Ռաֆի Դուրանյան

(ստորագրություն)

Կ.Տ.

ՖԻՆԱՆՍԱԿԱՆ ՆԱԽԱՀԱՇԻՎ

Դրամաշնորհառու
Ծրագրի անուն

«Վորլդ Վիժն Հայաստան» երեխաների պաշտպանության հիմնադրամ
«Երեխաների խնամքի ցերեկային ծառայությունների տրամադրում»
ՀՀ Տավուշի մարզ, Իջևան համայնք (Ազատամուր)

Ծրագրի տևողություն 01.01.2023 – 31.12.2023

Հ/Հ	Բյուջեի տողի նկարագրական	Տոկոս	Միավոր	Միավորի քանակ	Միավորի արժեք (ՀՀ դրամ)	Պահանջվող գումար (ՀՀ դրամ)	Տոկոս ընդհանուրի մեջ
Աշխատավարձ							
Ա							
1.1	Ծրագրի համակարգող	14.02%	ամիս	12	150,000	1,800,000	8.78%
1.2	Սոցիալական աշխատող/ խմբակավար	22.43%	ամիս	12	240,000	2,880,000	14.04%
1.3	Սոցիալական աշխատող/ խմբակավար	22.43%	ամիս	12	240,000	2,880,000	14.04%
1.4	Արտթերապիայի խմբակավար	8.41%	ամիս	12	90,000	1,080,000	5.27%
1.5	Լոգոպեդ	7.48%	ամիս	12	80,000	960,000	4.68%
1.6	Հոգեբան	15.89%	ամիս	12	170,000	2,040,000	9.95%
1.7	Հավաքարար	9.35%	ամիս	12	100,000	1,200,000	5.85%
Ընդամենը Ա						12.840.000	62.60%
Բ	Ծրագրային ծախսեր						
2.1	Մեղմն երեխաների համար	70.52%	ամիս	12	315000	3,780,000	18.43%
2.2	Գործընկերների հետ հանդիպումներ, կլոր-սեղան քննարկումներ,համայնքային միջոցառումներ	9.33%	միջոցառում	5	100,000	500,000	2.44%
2.3	Գրենական պիտույքներ	2.24%	ամիս	12	10,000	120,000	0.59%
2.4	Տրանսպորտային ծախսեր	17.91%	ամիս	12	80,000	960,000	4.68%
Ընդամենը Բ						5,360,000	26.13%
Գ	Գործուղում						
Ընդամենը Գ							
Դ	Վարչական ծախսեր						
4.1	Կոմունալ և կապի ծախսեր	58.44%	ամիս	12	112,500	1,350,000	6.58%
4.2	Կենտրոնի շահագործման ծախսեր (մաքրող նյութեր, ալկոզել, լուսավորման լամպեր, վարդակներ և այլն)	3.64%	ամիս	12	7,000	84,000	0.41%
4.3	Ֆինանսական պատասխանատու/հաշվապահ	6.23%	ամիս	12	12,000	144,000	0.70%
4.4	Մոնիտորինգի մասնագետ	31.69%	ամիս	12	61,000	732,000	3.57%
Ընդամենը Դ						2,310,000	11.26%
Ընդամենը						20.510.000	100.00%

Հ/Հ	Բյուջեի տեսակը	Պահանջվող գումարը (ՀՀ դրամ)	Բյուջեի տողի նկարագրական
Աշխատավարձ			
Ա1	Ծրագրի աշխատակազմի աշխատավարձ		
1.1	Սոցիալական աշխատող/խմբակավար	2,880,000	Մեկ սոց. աշխատող ամբողջական դրույքով: Ամսական դրույքաչափը 240.000 ՀՀ դրամ:
1.2	Սոցիալական աշխատող/խմբակավար	2,880,000	Մեկ սոց. աշխատող ամբողջական դրույքով: Ամսական դրույքաչափը 240.000 ՀՀ դրամ:
1.3	Արտթերապիայի խմբակավար	1,080,000	Մեկ արտթերապիայի խմբակավար ամբողջական դրույքով : Ամսական դրույքաչափը 90.000 ՀՀ դրամ:
1.4	Լոգոպեդ	960,000	Մեկ լոգոպեդ ոչ լրիվ դրույքով: Ամսական դրույքաչափը 80.000 ՀՀ դրամ:
1.5	Հոգեբան	2,040,000	Մեկ հոգեբան ամբողջական դրույքով, ամսական դրույքաչափը 170.000 ՀՀ դրամ:
1.6	Հավաքարար	1,200,000	Հավաքարար ամբողջական դրույքով, ամսական դրույքաչափը 100.000 ՀՀ դրամ:
Ընդամենը Ա111,040,000			
Ա2	Ղեկավար անձնակազմի աշխատավարձ		
1.1.1	Ծրագրի համակարգող	1,800,000	Մեկ համակարգող ամբողջական դրույքով` Ամսական դրույքաչափը 150.000 ՀՀ դրամ:
Ընդամենը Ա2			1,800,000
Ընդամենը Ա			12,840,000
Ծրագրային ծախսեր			
2.1	Սնունդ երեխաների համար	3,780,000	Երեխան փաստացի ցերեկային կենտրոնում գտնվելու ժամանակահատվածում կապահովվի սննդով (սննդային փաթեթը մեկ երեխայի հաշվով կներառի հյուսթ, թխվածքաբլիթ և միրգ):Մի սննդային փաթեթի արժեքը 300 ՀՀ դրամ:
2.2	Գործընկերների հետ հանդիպումներ, կլոր-սեղան քննարկումներ,համայնքային միջոցառումներ	500,000	Կենտրոնի կողմից կարող են կազմակերպվել կլոր-սեղան քննարկումներ շահագրգիռ կառույցների հետ, ինպես նաև կարող են կազմակերպվել տոնակատարություններ, բեմադրություններ, ներկայացումներ, որոնց կիրավիրվեն ներկայացուցիչներ տեղական իշխանություններից, ծնողներ և համայնքի այլ երեխաներ:
2.3	Գրենական պիտույքներ	120,000	Գունավոր և սպիտակ թղթեր, գրիչներ, մատիտներ, ներկեր, ֆլիպ չարտեր, մարկերներ, սոսինձ, կարիչներ և այլն, որոնք անհրաժեշտ են երեխաների խմբակների աշխատանքների կազմակերպման համար: Ամսական միջին ծախսը հաշվարկվել է շուրջ 10.000 ՀՀ դրամ:
2.4	Տրանսպորտային ծախսեր	960,000	Ներառում է արտակենտրոն ծառայությունների տրամադրման համար մասնագետների տեղափոխության ծախսերը տաքսի ծառայության միջոցով: Ամսական միջին ծախսը հաշվարկվել է շուրջ 80.000 ՀՀ դրամ:
Ընդամենը Բ 5.360.000			
Գ	Գործուղում		
Ընդամենը Գ			
Դ	Վարչական ծախսեր		
4.1	Կոմունալ և կապի ծախսեր	1,350,000	Գազ, ջուր, էլ.էներգիա, անվտանգություն,ինտերնետ և հեռախոս: Ամսական միջին ծախսը հաշվարկվել է շուրջ 112.500 ՀՀ դրամ:
4.2	Կենտրոնի շահագործման ծախսեր (մաքրող նյութեր, ալկոգել	84,000	Օճառ, անձեռոցիկ, դիմակ, ալկոգել, լուսավորման լամպեր, վարդակներ և այլ նյութեր: Միջին ամսական կտրվածքով հաշվարկվել է 7.000 ՀՀ դրամ:
4.3	Ֆինանսական պատասխանատու/հաշվապահ	144,000	Մեկ ֆինանսական պատասխանատու ոչ լրիվ դրույքով: Ամսական դրույքաչափը 12.000 ՀՀ դրամ:
4.4	Մոնիտորինգի մասնագետ	732,000	Մեկ մոնիտորինգի մասնագետ ոչ լրիվ դրույքով: Ամսական դրույքաչափը 61.000 ՀՀ դրամ:
Ընդամենը Դ		2.310.000	
Ընդամենը		20.510.000	

Դրամաշնորհառու «Վորլդ Վիժն Հայաստան» երեխաների պաշտպանության հիմնադրամ
Ծրագրի անուն **«Երեխաների խնամքի ցերեկային ծառայությունների տրամադրում» ՀՀ Տավուշի մարզ,
Իջևան համայնք (Ազատամուր)**

Ծրագրի տևողություն 01.01.2023 – 31.12.2023

ՊԱՏՎԻՐԱՏՈՒ
ՀՀ աշխատանքի և սոցիալական հարցերի
նախարարություն
Գլխավոր քարտուղար՝ Ս. Մուրադյան

(ստորագրություն)

Կ.Տ.

ԿԱՏԱՐՈՂ
«Վորլդ Վիժն Հայաստան» երեխաների
պաշտպանության հիմնադրամ
Գործադիր տնօրեն՝ Ռաֆի Դուբակյան

(ստորագրություն)

Կ.Տ.



ԴՐԱՄԱՇՆՈՐՀԱՅԻՆ ԾՐԱԳԻՐ
«ԵՐԵՒԱՆԵՐԻ ԽՆԱՄՔԻ ՑԵՐԵԿԱՅԻՆ ԾԱՌԱՅՈՒԹՅՈՒՆՆԵՐԻ ՏՐԱՄԱԴՐՈՒՄ» ՄԻՋՈՑԱՌՄԱՆ

Հ/Հ	Դրամաշնորհի միջոցների հաշվին իրականացվող միջոցառման						
	անվանումը	նկարագիրը	կազմակերպության կողմից կատարման ենթակա գործողությունները	ակնկալվող արդյունքները և դրանց գնահատման չափանիշները	միջոցառման իրականացման վերջնաժամկետը	հաշվետվության ներկայացման կարգն ու ժամկետը	պահանջվող գումարը (դրամ)
1.	«Երեխաների խնամքի ցերեկային ծառայությունների տրամադրում»	Միջոցառումը նպատակ է հետապնդում կյանքի դժվարին իրավիճակում հայտնված մինչև 18 տարեկան երեխաների ընտանիքում ապրելու և նրանց սոցիալական ներառումն ապահովելու, երեխայի (ընտանիքի) կյանքի դժվարին իրավիճակը կանխարգելելու կամ հաղթահարելու նպատակով գնահատված սոցիալական կարիքների հիման վրա համարժեք ծառայությունների տրամադրում, ինչպես նաև նպաստել երեխաների սոցիալ-հոգեբանական, կյանքի հիմնական հմտությունների զարգացմանը, երեխաներին	- Երեխաներին՝ ցերեկային խնամքի կենտրոնում կամ արտակենտրոն (ելնելով գնահատված կարիքից, երեխայի՝ շուրջօրյա խնամքի հաստատությունում խնամք ստանալու հանգամանքից) ծառայությունները տրամադրվում են հետևյալ ուղղություններով՝ - երեխաների սոցիալ-հոգեբանական կարողությունների և կյանքի հիմնական հմտությունների զարգացում, - մասնագիտական կողմնորոշում - արտաբերապատկեր (ծառայությունը նպաստում է երեխայի հուզական	1. Կյանքի դժվարին իրավիճակում հայտնված երեխաների գնահատված կարիքները: 2.Անհատական սոցիալական ծրագրերով սահմանված և ամբողջությամբ իրականացված միջոցառումներ: 3. Կազմակերպության կողմից՝ ծառայություններ ստացած կյանքի դժվարին իրավիճակում հայտնված երեխաների և նրանց ընտանիքների առնվազն 90%-ի բավարարվածություն մատուցված ծառայություններից: 4.Ցուրաքանչյուր ամիս ծառայություններ ստացած կյանքի դժվարին իրավիճակում հայտնված երեխաներ և նրանց ընտանիքներ՝ նվազագույնը տվյալ լոտում նշված շահառուների թվով: 5. Արտակենտրոն ծառայություններ ստացած կյանքի դժվարին իրավիճակում հայտնված երեխաների և	31.12.2023	Էլեկտրոնային (info@mlsa.am էլեկտրոնային հասցեին ուղարկելու միջոցով) բովանդակային հաշվետվությունների ներկայացման ժամկետը՝ յուրաքանչյուր եռամսյակը մեկ անգամ	20,510,000 (քսան միլիոն հինգ հարյուր տասը հազար)

	և նրանց ընտանիքներին տրամադրել սոցիալ-վերականգնողական, հոգեբանական և իրավաբանական խորհրդատվություն և աջակցություն՝ խթանելու երեխաների ընտանիքում մեծանալու հիմնարար իրավունքների իրացումը, կանխելու նրանց մուտքը հաստատություններ և սոցիալական մեկուսացումը, ապահովելու ընտանիքի հետ վերամիավորումը՝ նպաստելով կյանքի դժվարին իրավիճակում հայտնված երեխայի ինքնօգնության, ինքնորոշման ու ծագած իիմնախնդիրներն ինքնուրույն լուծելու ունակությունների զարգացմանը:	կայունությանը, հասկանիցների հետ շփմանը, ինքնուրույնության, շարժումների (մանր և խոշոր մոտորիկայի) զարգացմանը, վեր է հանում ուժեղ և թույլ կողմերը և այլն): - անձի զարգացում (քաղաքացիական կրթություն, մեղիագրագիտություն), - սոցիալական աշխատանք ընտանիքի հետ՝ շահագրգիռ կողմերի ներգրավմամբ՝ կյանքի դժվարին իրավիճակում հայտնված երեխաների իրավունքների՝ այդ թվում ընտանիքում ապրելու իրավունքի իրացման համար նպաստավոր պայմանների ստեղծման նպատակով: - սոցիալական աշխատանք երեխային շուրջօրյա խնամք տրամադրող կազմակերպության հետ - առողջապահական, սոցիալական և կրթական հարցերի շուրջ իրավաբանական խորհրդատեղեկատվական և ուղղորդման ծառայություններ (ծառայությունների	նրանց ընտանիքների թիվ : 6. Երեխաների կրթական իրավունքի լիարժեք իրացման համար ստեղծված պայմաններ (արդյունքը չի ենթադրում դասապատրաստման իրականացում, այլ կրթությունից դուրս մնացած երեխաների՝ կրթական համակարգում ընգրկվածության ապահովում): 7. Համայնքային մշակութային կյանքին ԿԴԻՀ երեխաների ընգրկվածության ապահովում: 8. Շահառուների առնվազն 90% ծնողների ընգրկվածությամբ՝ կարիքահեն դասընթացներ /ծնողավարման հմտություններ, ֆինանսական միջոցների տնօրինում և այլն/: 9. Ցերեկային խնամքի ծառայություններում ընդգրկված հաշմանդամություն ունեցող երեխաներ: 10. Ծառայություններ Րից օգտվող վարքային խնդիրներ ունեցող երեխաներ, 11. Ծառայություններում ընդգրկված վարքային խնդիրներ ունեցող երեխաների և նրանց ընտանիքների համար ներդրված առանձին բաղադրիչ, 12. Անձնական օգնականի աջակցությունից օգտվող երեխաներ, 13. Տրամադրված ծառայությունների արդյունքում կյանքի դժվարին իրավիճակում հայտնված երեխաների և նրանց ընտանիքների վիճակի մեղմում (առնվազն 60% շահառուների դեպքում) և դժվարին իրավիճակի ամբողջական հաղթահարում (առնվազն 40% շահառուների դեպքում): 14. Ծառայությունում ընդգրկված կյանքի		
--	--	--	--	--	--

			մատուցման գործում ընգրկվում է նաև անձնական օգնականը):	դժվարին իրավիճակում հայտնված երեխաների անհատական սոցիալական ծրագրեր:		
			- ցերեկային կենտրոն հաճախող երեխաներին սննդային փաթեթի տրամադրում	15. Ծառայության արդյունքում ընտանիքների հետ վերամիավորված երեխաների թիվ		
			-երեխաների և ծնողների հետ դասընթացների կազմակերպում՝ երեխայի իրավունքների, ծնողավարության հմտությունների, ֆինանսական միջոցների տնօրինման և այլնի վերաբերյալ	16. Ծառայություններ ստացած կյանքի դժվարին իրավիճակում հայտնված երեխաներ, որոնց ծնողները (կամ միակ ծնողը կամ օրինական այլ ներկայացուցիչը) դիմել են երեխային հաստատություն տեղավորելու համար և այդ երեխաների ընտանիքները.		
			- Շահառուներին՝ ծառայության որակի անանուն գնահատելու հնարավորության տրամադրում,	17. Ծառայություններ ստացած երեխաներ (ներառյալ նրանց ընտանիքները), ովքեր հաստատությունից վերամիավորվել են ընտանիքների հետ և անհատական սոցիալական ծրագրի մոնիթորինգի արդյունքների համաձայն կարիք ունեն ստանալու սոցիալ-հոգեբանական, սոցիալ-վերականգնողական ծառայություններ		
			առաջարկությունների ստացում և արդյունքների ներառում եռամսյակային հաշվետվություններում:	18. Ներկայացված հաշվետվություններ, հիմնավորող փաստաթղթեր և տեղեկատվական համակարգում իրականացված մուտքագրումներ:		

Ծանոթություն

Ծրագրի առաջարկում ներկայացնել կարիքների գնահատման արդյունքում շահառուների ընտրության սկզբունքները: Ցանկալի է ամրագրել այնպիսի մեխանիզմ, որպեսզի իրականացվի առավել մեծ թվով երեխաների կարիքների գնահատում: Բոլոր գնահատման արդյունքները հարկ է, որ պահպանվեն կազմակերպությունում: Գնահատման գործընթացը, շահառուների ընտրությունը և ծառայությունների տրամադրումը պետք է կազմակերպել առաջնորդվելով Հայաստանի Հանրապետության կառավարության 2014 թվականի հուլիսի 17-ի N 743-Ն որոշմամբ:

Յուրաքանչյուր երեխայի կարիքի գնահատում պետք է իրականացվի նախարարության կողմից ներկայացված ձևաչափի համաձայն, Շահառուների ընդգրկումն իրականացվում է ծնողների կամ օրինական ներկայացուցիչների հետ կնքված պայմանագրի հիման վրա:

Շահառուների և/կամ նրանց ներկայացուցիչների շրջանում կազմակերպությունը պետք է յուրաքանչյուր եռամսյակ իրականացնի ծառայությունների անանուն գնահատում. ամփոփ արդյունքները պետք է տրամադրվեն նախարարությանը՝ որպես եռամսյակային հաշվետվության մաս:

Նկարագրական հաշվետվություն ներկայացնելիս հարկ է առաջնորդվել սահմանված ձևաչափով և հաշվետվություններում ամբողջական անդրադարձ կատարել իրականացված աշխատանքներին:

Շահառուների մասին տեղեկատվությունը (ներառյալ անհատական սոցիալական ծրագրերը) հարկ է մուտքագրել տեղեկատվական համակարգ: Երեխան կարող է ընդգրկվել արտակենտրոն ցերեկային ծառայության մեջ, եթե կենտրոն այցելելու հետ կան դժվարություններ, եթե մասնագետների գնահատմամբ դա բխում է երեխայի շահից և այն փուլում, երբ երեխան դեռևս խնամք է ստանում շուրջօրյա խնամքի հաստատությունում: Բոլոր դեպքերում կազմակերպությունը ներդնում է ջանքեր երեխայի կենտրոն հաճախելու գործընթացն ապահովելու նպատակով՝ այդպսով կանխելով սոցիալական մեկուսացումը: Կազմակերպության կողմից տրամադրված ծառայության արդյունքների գնահատման գործում կարևորագույն ցուցիչ է հանդիսանալու ինչպես սոցիալական ծրագրում նշված նպատակադրումներին իրականացումը, այնպես էլ ընտանիքի կայունության-ինքնաբավության ցուցանիշը, միջոցառման շրջանակներում շուրջօրյա խնամքի հաստատություններից դուրսբերված երեխաների թիվը:

Ծրագրի գնահատումը

Նշված բոլոր արդյունքային ցուցանիշների կատարողականը գնահատվում է Պայմանագրի N2 և N3 հավելվածների համաձայն հաստատված եռամսյակային և ֆինանսական հաշվետվությունների, նախարարության կողմից իրականացված մշտադիտարկման արդյունքների վերլուծության հիման վրա, ինչպես նաև SC-ում լրացված տեղեկատվության վերլուծության արդյունքների հաշվառմամբ:

Նշված ցուցանիշների համադրման արդյունքում հնարավոր կլինի գնահատել ծրագրի արդյունավետությունը, ինչպես նաև տրամադրել առաջարկություններ կազմակերպության իրականացնող ցուցանիշների կատարողական արդյունքների հետագա բարելավման համար: Կազմակերպության իրականացված ծրագիրը գնահատվում է բավարար, եթե վերը նշված արդյունքային բոլոր ցուցանիշները, ըստ ներկայացված եռամսյակային հաշվետվության, կատարվել են նվազագույնը 75%-ով:

ՊԱՏՎԻՐԱՏՈՒ

ՀՀ աշխատանքի և սոցիալական հարցերի նախարարություն
Գլխավոր քարտուղար՝ Ս. Մուրադյան

(ստորագրություն)

Կ.Տ.

ԿԱՏԱՐՈՂ

«Վորլդ Վիզն Հայաստան» երեխաների
պաշտպանության հիմնադրամ
Գործադիր տնօրեն՝ Ռաֆի Գուդակյան

(ստորագրություն)

Կ.Տ.



